



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 38. Extrema quorundam Scriptorum Ecclesiasticorum fata.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

gesimo nono supra millesimum quadringentesimum ab Innocentio VIII. inter Secul. XV.
A. C. 1492.
Cardinales cooptatus est, atque electioni Alexandri Papæ interfuit, quamvis gravi senio, & adversa valetudine premeretur: Roma vero Venetias redux die decima quarta Septembris Interamnæ mortalitatem exiit. Hujus vitæ Historiam Petrus Delphinus instante Contarino Maphæi Successore descriptam nobis reliquit.

§. XXXVIII.

Extrema quorundam Scriptorum Ecclesiasticorum fata.

Anno præcedenti Petrus Schottus natione Germanus, Argentinensis Ecclesiæ ad D. Petrum Canonicus, postquam ingentem nominis famam sibi conciliaverat, in medio gloriæ suæ cursu in patria sua fatis functus est, anno ætatis suæ trigésimo primo. Hic Parisiis, ac Bononiæ studiorum curriculum emerfus, cunctis carus, atque ab eruditis undique expetitus fuit. Posteritati reliquit elegiacis versibus descriptas SS. Joannis Baptistæ, & Evangelistæ, nec non D. Joannis Chysoptomi vitas, elogium Joannis Gersonii itidem ligato sermone elaboratum, necnon quasdam epistolas, & quæstiones varias de rebus ad

Dupin Bibl.
Auct. tom.
12. in 4. Sæc.
cul. XV.

Sæculi XV.
A C 1492.

Conscientiam pertinentibus, quæ opera omnia Argentorati anno millesimo quadringentesimo nonagesimo octavo typis excusa prodierunt.

Sub idem ferme tempus extremum diem claudebat Jacobus Perez Valentiaë in Hispania natus, Chrisopolitanus Antistes; scripsit is commentarios allegoricos, atque anagogicos in Psalmos Davidis, & in Cantica, necnon tractatum contra Judæos, expositionem super cantica Canticorum, & quæstionem de merito Christi Domini, quæ omnia typis impressa fuere.

Eandem mortalitatis viam ingressi sunt Nicolaus de Crutzinach, & Guilielmus Hupellandus, quorum prior Viennaë in Austria Theologiæ Professor elucubravit quæstiones sententiarum, collationum & sermonum collectionem præter plures alios discursus, & tractatum de Conceptione B. V. M. alter vero Bononiæ in Picardia natus, facultatis Theologiæ Parisiensis Doctor, S. Severini Parochus, ac demum ad Beatæ Virginis Canonicus; reliquit posteris librum de immortalitate animæ, & de statu ejus post mortem, anno Domini millesimo quadringentesimo nonagesimo nono Parisiensibus literis excusum. Obiit hoc anno die undecima Augusti.

Præ-

Præterea Nicasius de Voerden Mech-
linia oriundus fatis functus est die vigesi-
ma quinta ejusdem mensis Augusti, hic
quamvis tertio jam ætatis suæ anno ocu-
llis captus esset, nihilominus superioribus
disciplinis ingenium suum mire excoluit,
Coloniz juris instituta publice docuit, &
Lovanii Theologiæ Licentiatus gradum
adeptus, ac Romano Pontifice indulgen-
te Sacerdos ordinatus, ad populum di-
xit, pœnitentes criminibus exsolvit, &
Missæ solemnia solo memoriæ subsidio
suffultus peregit, tandem etiam Coloniz
Doctoratus lauream emeritus, commen-
tarium elucubravit in quatuor libros sen-
tentiarum, præter varios sermones, plures-
que quæstiones; perscripsit etiam quasdam
epistolas ad Trithemium, qui rari hujus
exempli testem fide dignissimum egit.

Sæcul. XV.

A.C. 1492.

§. XXXIX.

*Ardicini de la Porta Cardinalis re-
cessus in Monasterium.*

Hoc anno Cardinalis Ardycinus de la
Porta (dictus junior) Monasticum
institutum amplexus est. Is erat Aleri-
ensis Episcopus, nepos alterius Ardicini
pariter sub Martino V. Cardinalium nu-
mero adscripti. Vix Doctoratus laurea
decoratus erat, cum Florentini Archi-
episcopi Vicarius generalis eligeretur.

*Vittorel Es.
Ciaccon Hist.
Pontif. Es
Card.*